



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

Rruga "Jordan Mísja", Pranë Gjykatës së Krimeve të Rënda

Tel. +355 4 2232 852

Nr. 1516 Prot.
(lutemi referojuni në rast përgjigje)

Tiranë, më 05 . 11 .2010

Lënda: Dërgohet "Raporti i punës për muajin Tetor 2010"

Drejtuar: **Z. BUJAR NISHANI**
MINISTËR I DREJTËSISË

TIRANË

I nderuar Z. Ministër!

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative"", bashkëlidhur po Ju dërgojmë Raportin mbi aktivitetin e Shërbimit të Provës për muajin Tetor 2010.

Duke Ju uruar punë të mbarë!

DREJTOR I PËRGJITHSHËM

ARBEN SEFGJINI

Konceptoi: Saimir Shyti
Datë 05.11.2010



REPUBLIKA E SHQIPËRISË
MINISTRIA E DREJTËSISË
SHËRBIMI I PROVËS
DREJTORIA E PËRGJITHSHME

R A P O R T
PËR MUAJIN TETOR 2010

I nderuar Zoti Ministër,

Mbështetur në nenin 9, gërma gj), të VKM nr. 302, datë 25.03.2009 "Për miratimin e Rregullores "Për organizimin e funksionimin e Shërbimit të Provës dhe për përcaktimin e standardeve dhe procedurave për mbikëqyrjen e ekzekutimit të dënimeve alternative", po Ju paraqesim raportin e veprimtarisë së Shërbimit të Provës për muajin Tetor 2010.

I. Statistika

Për periudhën 01-31 Tetor 2010, volumi i punës së kryer nga Shërbimi i Provës ka qenë i madh, duke marrë parasysh faktin që numri i specialistëve të Zyrave Vendore të Shërbimit të Provës është i njëjti, ndërsa numri i të dënuarve me dënime alternative që këta specialistë mbikëqyrin, si dhe kërkesat nga gjykatat dhe prokuroritë për raporte vlerësimi janë në rritje të vazhdueshme. Disa nga statistikat dhe paraqitjet që pasqyrojnë punën që ka kryer e po kryen institucioni do të jepen me anë të të dhënave si më poshtë:

Për periudhën 01 Qershor 2009 – 31 Tetor 2010, statistikat rezultojnë si më poshtë:

1. Numri total i të dënuarve me dënime alternative të dhëna nga gjykatat.

Numri total i të dënuarve me dënime alternative që janë mbikëqyrur nga Shërbimi i Provës në të gjithë vendin, për periudhën 01.06.2009 - 31.10.2010, është 2208 të dënuar.

Nga 01.06.2009 deri më datë 31.10.2010, kanë përfunduar periudhën e provës nën mbikëqyrjen e Shërbimit të Provës **147** të dënuar, pra ka përfunduar me sukses procesi i mbikëqyrjes për ta.

Kështu numri total i të dënuarve që ndodhen aktualisht nën mbikëqyrjen e Shërbimit të Provës (duke zbritur numrin e atyre që kanë përfunduar dënimin alternativ) është **2061 të dënuar.**

I ndarë sipas Zyrave Vendore (duke llogaritur dhe të dënuarit që kanë përfunduar dënimin alternativ):

- Në territorin që shtrin kompetencat Zyra Vendore Tiranë mbikëqyren në komunitet nga Shërbimi i Provës **942** të dënuar me dënime alternative.

- Në territorin që shtrin kompetencat Zyra Vendore Durrës mbikëqyren në komunitet nga Shërbimi i Provës **388** të dënuar me dënime alternative.
 - Në territorin që shtrin kompetencat Zyra Vendore Fier mbikëqyren në komunitet nga Shërbimi i Provës **366** të dënuar me dënime alternative.
 - Në territorin që shtrin kompetencat Zyra Vendore Shkodër mbikëqyren në komunitet nga Shërbimi i Provës **365** të dënuar me dënime alternative.
- 2. Numri mesatar i të dënuarve me dënime alternative që mbikëqyren nga një punonjës i Shërbimit të Provës në nivel vendi dhe zyre vendore.**

Sa më sipër duke ju referuar numrit total të të dënuarve me dënime alternative që mbikëqyren nga Shërbimi i Provës prej **2061** të dënuarish, numri mesatar i të dënuarve që mbikëqyren nga një punonjës në nivel vendi aktualisht është **62**. E shprehur kjo për çdo zyrë vendore është si më poshtë:

- Zyra Vendore Tiranë ka nën mbikëqyrje **94** të dënuar për çdo punonjës.
- Zyra Vendore Durrës ka nën mbikëqyrje **55** të dënuar për çdo punonjës.
- Zyra Vendore Fier ka nën mbikëqyrje **52** të dënuar për çdo punonjës.
- Zyra Vendore Shkodër ka nën mbikëqyrje **61** të dënuar për çdo punonjës.

Duke ju referuar statistikave, gjatë muajit Tetor 2010 kanë përfunduar periudhën e mbikëqyrjes **22** të dënuar. Shtesa për muajin Tetor 2010 (nga 01.09.2010 - 31.10.2010), prej **142** të dënuarish nën mbikëqyrje, rrit dhe ngarkesën e punës për specialistët.

3. Numri i të dënuarve për secilin lloj dënimi alternativ.

Statistikat për periudhën **01.06.2009 - 31.10.2010**, për secilin lloj dënimi alternativ, për të dënuarit e mbikëqyrur nga Shërbimi i Provës, janë si më poshtë:

- 1725 persona janë dënuar nga gjykata duke u aplikuar neni 59 i KP “pezullim i ekzekutimit të dënimit me burgim dhe vënia në provë”, shifër kjo e barabartë me 78.13 % të të gjithë të dënuarve me dënime alternative.
- 40 persona janë dënuar nga gjykata duke u aplikuar neni 59/a i KP “qëndrim në shtëpi”, shifër kjo e barabartë me 1.81 % të të gjithë të dënuarve me dënime alternative.
- 255 persona janë dënuar nga gjykata duke u aplikuar neni 64 i KP “Lirim me kusht”, shifër kjo e barabartë me 11.55 % të të gjithë të dënuarve me dënime alternative.
- 188 persona janë dënuar nga gjykata duke u aplikuar neni 63 i KP “Pezullim i ekzekutimit të vendimit me burgim dhe detyrimi për kryerjen e një pune në interes publik”, shifër kjo e barabartë me 8.51 % të të gjithë të dënuarve me dënime alternative.
- asnjë person nuk është dënuar nga gjykata duke aplikuar nenin 58 të KP “gjysëm-liria”.

Këto të dhëna pasqyrohen më poshtë, në Tabelën 2.

Tabela 2: Numri i të dënuarëve sipas llojeve të dënimeve alternative të dhëna nga Gjykata për periudhën 01.06.2009 – 31.10.2010.

Nr	LLOJI I DËNIMEVE ALTERNATIVE	Nr. TOTAL	TOTALI në %
1	Pezullimi ... neni 59 i KP	1725	78.13%
2	Qëndrimi në shtëpi neni 59/a i KP	40	1.81%
3	Lirimi me kusht neni 64 i KP	255	11.55%
4	Punë në interes publik neni 63 i KP	188	8.51%
5	Gjysmëliria neni 58 i KP	0	0%
TOTALI		2208	100%

Për periudhën 01.06.2009 – 31.10.2010 numri i të dënuarve me “punë në interes publik” është 188, ndërsa pas përfundimit të këtij dënimi për 100 të dënuar, Shërbimi i Provës ka nën mbikëqyrje 88 të dënuar.

4. Raportet e Vlerësimit me kërkesë të gjykatës dhe prokurorisë.

Konkretisht për muajin Tetor 2010:

- ❖ Janë kërkuar nga gjykata 50 raporte vlerësimi për persona të pandehur dhe të dënuar,
- ❖ Janë kërkuar nga prokuroritë 43 raporte vlerësimi për persona nën hetim dhe të pandehur,
- ❖ Kanë ardhur 142 urdhëra ekzekutimi nga prokuroritë e rretheve gjyqësore, nga të cilët 22 urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikqyrjes për ta.

Ndërsa në total volumi i punës së Shërbimit të Provës për periudhën 01.06.2009 – 31.10.2010 jepet si më poshtë:

- ❖ janë kërkuar nga gjykata **1028** raporte vlerësimi për persona të pandehur dhe të dënuar,
- ❖ janë kërkuar nga prokuroritë **391** raporte vlerësimi për persona nën hetim dhe të pandehur,
- ❖ Kanë ardhur **2208** urdhëra ekzekutimi nga prokuroritë e rretheve gjyqësore, nga të cilët **323** urdhëra ekzekutimi janë për dënime alternative të dhëna për të mitur, për të cilët gjykata ka dhënë dënime alternative dhe kanë filluar procedurat ligjore të përcaktuara për procesin e mbikqyrjes për ta.
- ❖ Ka përfunduar procesi i mbikqyrjes për **147** të dënuar.

II. Bashkëpunimi me partnerët

- **me OSBE dhe UNICEF.**

Në datat 12-13 tetor 2010 nën mbështetjen e Prezencës së OSBE-së në Shqipëri, u zhvillua një Trajnim prezantues për Shërbimin e Provës, dy ditor, për punonjësit e Zyrave të reja Vendore të Shërbimit të Provës.

Mbështetja financiare si dhe ajo logjistike për zhvillimin e këtij trajnim për stafin e ri, u sigurua nga OSBE-ja, ndërsa lektorët në këtë trajnim ishin të gjithë nga stafi i Drejtorisë së Përgjithshme, si dhe Zyra Vendore Tiranë.

Gjithashtu një trajnim më i zgjeruar për stafin e ri, me pjesëmarrjen e rreth 20 pjesëmarrësve nga Drejtoria e Përgjithshme dhe Zyrat Vendore të Shërbimit të Provës po zhvillohet nën mbështetjen e OSBE-së, nga data 1-5 Nëntor 2010, në ambjentet e OSBE-së, me lektorë të huaj dhe vendas.

Më datë 20.10.2010 u zhvillua takimi i Nënkomitetit të Drejtësisë për të Miturit, "Juvenile Justice Subcommittee", organizuar nga Konsorciumi Ndërkombëtar. Në takim ishin të pranishëm përfaqësues nga Ministria e Drejtësisë, Shërbimi i Provës, Drejtoria e Burgjeve, përfaqësues të organizatave ndërkombetare OSBE, PAMECA III, si dhe përfaqësues të organizatave të shoqërisë civile, SOROS, Komiteti i Helsinkit, Fondacioni për Zgjidhjen e Konflikteve dhe Pajtimin e Mosmarrëveshjeve, Klinika Ligjore për të Mitur, Aksion Plus, CRCA, etj...

Në vija të përgjithshme, gjatë këtij takimi u diskutuan çështje të lidhura me përditësimin e iniciativave në vlerësimin e buxhetit mbi komponentët e drejtësisë për të mitur si dhe në lidhje me procesin e krijimit të draftit në lidhje me politikat e drejtësisë për të mitur, si dhe draftit në lidhje me Ligjin e Ndërmjetësimit, për sa i përket kontingjentit të të miturve që kanë probleme me ligjin.

Gjatë takimit u vlerësua bashkëpunimi me Shërbimin e Provës nga ana e organizatave të cilat kanë marrëveshje me institucionin dhe nuk u paraqit ndonjë problematikë.

Takimi i ardhshëm i Nënkomitetit të Drejtësisë për të Mitur u vendos në muajin Janar 2011.

- me pushtetin vendor

Në datën 26 Tetor 2010, nën mbështetjen e Drejtorisë së Përgjithshme të Shërbimit të Provës, u zhvillua një seminar trajnues me temë "Alternativat e dënimit me burgim dhe mundësitë e bashkëpunimit me pushtetin vendor." Ky seminar me pjesëmarrjen e punonjësve social të pushtetit vendor nga 11, qarqe, bashki, njësi bashkiake dhe komuna të vendit, me të cilët Shërbimi i Provës ka lidhur memorandume bashkëpunimi, u zhvillua në ambjentet e Drejtorisë së Përgjithshme. Ky trajnim pati vlerë, lidhur me zbatimin në praktikë të marrëveshjeve të bashkëpunimit që kemi lidhur me këto njësi. Lektorët trajnues në këtë seminar ishin të gjithë punonjës nga Shërbimi i Provës. Në fund për pjesëmarrësit u shpërndanë certifikata.

III.-Problematika e punës.

1.- Problem i Hapjes së Zyrave Vendore të reja.

Gjatë muajit Tetor kemi vazhduar me intensitet menaxhimin e punëve për sigurimin e ambjenteve të punës për zyrat e reja vendore që u hapën me vendodhje në rrethet gjyqësore Lezhë, Korçë, Elbasan, Gjirokastër.

Një problem tjetër i rëndësishëm që realizuam me sukses gjatë muajit tetor, ishte përzgjedhja e personelit për këto zyra si dhe trajnimi i stafit të ri.

Në zbatim të Urdhërit Tuaj nr. 7746/1, datë 24/09/2010, "Për përcaktimin e vendndodhjes dhe kompetencave tokësore të Zyrave Vendore të Shërbimit të Provës", Drejtori i Përgjithshëm nxori Urdhërin nr. 1316, datë 08.10.2010, "Për marrjen në dorëzim të dosjeve të mbikëqyrjes nga Zyrat Vendore të Shërbimit të Provës, sipas kompetencave tokësore të tyre".

Në bazë të këtyre urdhërave përfundoi me sukses dorëzimi i bazës materiale nga zyrat e vjetra, në ato të reja, sipas kompetencave tokësore të tyre. Kështu pas transferimit të dosjeve të këtyre të dënuarëve, rezultoi kjo ngarkesë pune për Zyrat e reja Vendore. Zyra Vendore Lezhë, ka nën mbikëqyrje 83 të dënuar, Zyra Vendore Elbasan ka nën mbikëqyrje 99 të dënuar, Zyra Vendore Korçë ka nën mbikëqyrje 128 të dënuar dhe Zyra Vendore Gjirokastër ka nën mbikëqyrje 25 të dënuar.

Tashmë stafi i këtyre zyrave është i përgatitur të realizojë detyrat funksionale të tij të parashikuar në aktet ligjore dhe nënligjore.

Problem që na ka dalë për këtë muaj është, sigurimi i ambjenteve në të cilat ushtron funksionet e saj Zyra Vendore e Shërbimit të Provës Shkodër. Nga kjo zyrë është dërguar pranë Drejtorisë së Përgjithshme të Shërbimit të Provës, MEMO, lidhur me nevojën emergjente të kësaj zyre për sigurimin e ambjenteve në të cilat ushtron funksionet e saj. Për të bërë të mundur këtë sigurim, kjo zyrë ka nevojë për vendosjen e tri dyerve të blinduara dhe katër zgarave prej hekuri për dritaret e zyrave. Në VKM nr. 333, datë 28.04.2010, "Për ruajtjen dhe sigurimin e objekteve shtetërore", përcaktohen objektet të cilat ruhen nga Ministria e Brendshme me punonjës nga Policia e Shtetit. Mbrojtja e godinave ose ambjenteve të Shërbimit të Provës, nuk parashikohet që të kryhet me punonjës të Policisë së Shtetit në këtë VKM. Nga ana jonë nuk është e mundur që të realizohet ky investim, për të realizuar sigurimin e kësaj zyre, nga fondet që disponon DPSHP-ja në buxhetin e saj, për vendosjen e tri dyerve të blinduara dhe katër zgarave prej hekuri për dritaret e zyrave. Në këto

kushte kërkojmë ndërhyrjen Tuaj, për të bërë të mundur çeljen e një fondi për zgjidhjen e kësaj çështjeje.

Problem tjetër, mbetet paisja e katër zyrave të reja vendore me nga një aparat fotokopje, që është një paisje e domosdoshme për punën rutinë, gjë që është e pamundur aktualisht.

Duke shpresuar se kemi dhënë një analizë që pasqyron me objektivitet punën e kryer, si dhe një paraqitje të problematikës themelore nga Shërbimi i Provës, Ju sigurojmë se zbatimi i të gjithë detyrave funksionale, rritja e nivelit dhe e profesionalizmit do të jenë prioritete të punës sonë edhe në të ardhmen.

Me respekt,

DREJTORI I PËRGJITHSHËM

ARBEN SEFGJINI

